

元豐九域志
一



元豐九域志

(一)

王存等撰

元豐九域志提要

臣等謹案元豐九域志十卷宋王存等奉敕撰存字敬仲丹陽人登進士第調嘉興主簿歷官尚書右丞事蹟具宋史本傳初祥符中李宗諤王曾先後修九域圖至熙寧八年都官員外郎劉師旦以州縣名號多有改易奏乞重修乃命館閣校勘曾肇光祿丞李德芻刪定而以存總其事以舊書名圖而無繪事請改曰志迄元豐三年閏九月書成此本前有存等進書原序稱國朝以來州縣廢置與夫鎮戍城堡之名山澤虞衡之利前書所略則謹志之至於道里廣輪之數昔人罕得其詳今則一州之內首敍州封次及旁郡彼此互舉弗相混淆總二十三路京府四次府十州二百四十二軍三十七監四縣一千二百三十五離爲十卷王應麟稱其文見於曲阜集蓋曾肇之詞也其書始於四京終於省廢州軍及化外羈縻州凡州縣皆依路分隸首且赤畿望緊上中下之名次列地里次列戶口次列土貢每縣下又詳載鄉鎮而名山大川之目亦併見焉其於距京距府旁郡交錯四至八到之數縷析最詳深得古人辨方經野之意敍次亦簡潔有法趙與時賓退錄尤稱其土貢一門備載貢物之額數足資考核爲諸志之所不及自序所稱文直事核洵無愧其言矣其書最爲當世所重民間又有別本刊行內多古蹟一門故晁公武讀書後志有新舊九域志之目此爲明毛晉影抄宋刻乃元豐間經進原本後藏徐乾學傳是樓中字畫軒朗訛闕亦少惟佚其第十卷今以蘇州

朱煥家抄本補之。首尾完具。按張謨雲谷雜記。稱南渡後。閩中刊書不精。如睦州。宣和中始改嚴州。而新刊九域志。直改爲嚴州。今檢此本內。睦州之名。尙未竄改。則其出於北宋刻本可知矣。

元豐九域志序

臣聞先王建國。所以周知九州封域。與其人民之數者。詔地事則有圖。詔觀事則有志。比生齒則有籍。近世撮其大要。會爲一書。趣時施宜。文約事備。則唐之十道圖。本朝之九域圖是也。然自天禧以後。歷年茲多。事有因革。皇帝陛下。疆理萬邦。聲教旁暨。內省州縣。以休民力。南開五溪。西舉六郡。皆正朔所不及。祖宗所未臣。可謂六服承德。萬世之一時也。至於壤地之有離合。戶版之有耗登。名號之有升降。以今準昔。損益蓋多。而稽地理者。猶以故書從事。豈非陋哉。有司建言。適契上志。乃詔臣肇。臣德芻。譔次於祕閣。而臣存實董其事。綴緝大體。略倣前書。舊名圖而無繪事。迺請改曰志。郡名之下。附以氏族所出。以禹貢周官考之。皆無其文。且非當世先務。茲不復著。國朝以來。州縣廢置。與夫鎮戍城堡之名。山澤虞衡之利。前書所略。則謹志之。至於道里廣輪之數。昔人罕得其詳。今則凡一州之內。首敍州封。次及旁郡。彼此互舉。弗相混殺。總二十三路。京府四。次府十。州二百四十二。軍三十七。監四。縣一千二百三十五。離爲十卷。文直事核。欲使覽者易知。然而綿歷歲時。僅終編帙。紬繹弗工。論述無法。格以典訓。實有媿焉。冒瀆聖聰。伏增兢懼。刪定宣義郎中書詳定官制所檢討文字。編修會要所檢閱文字。輕車都尉臣李德芻。刪定修國史院編修官奉議郎充集賢校里同知太常禮院權判太僕寺殿中省臣曾肇。承議郎知制誥同修國史同判太常寺兼禮儀事判祕閣祕書省兼詳定郊廟奉祀禮文上騎都尉丹陽縣開國子食邑三百戶賜

元豐九城志 序

紫金魚袋。臣王存。謹昧死上。

元豐九域志目錄

卷一

四京

東京

西京

南京

北京

京東路

東路

西路

京西路

南路

北路

卷二

元豐九域志 目錄

元豐九域志 目錄

河北路

東路

西路

卷三

陝西路

永興軍路

秦鳳路

卷四

河東路

卷五

淮南路

東路

西路

兩浙路

卷六

江南路

東路

西路

荊湖路

南路

北路

卷七

成都府路

梓州路

卷八

利州路

夔州路

卷九

福建路

廣南路

元豐九城志

目錄

東路

西路

卷十

省廢州軍

化外州

羈縻州

元豐九域志卷一

宋王存等撰

四京。

皇祐五年以曹、陳、許、鄭、滑、五州爲京畿路。至和二年罷。

東京。

東京開封府。治開封、祥符、二縣。

地里。

東至本京界二百四十五里。自界首至南京六十里。西至本京界一百一十五里。自界首至鄭州二十五里。南至本京界二百一十五里。自界首至陳州一百五里。北至本京界一百里。自界首至滑州一百里。東南至本京界二百五十五里。自界首至亳州一百五十里。西南至本京界一百五里。自界首至潁昌府七十里。東北至本京界一百四十五里。自界首至曹州一百三里。西北至本京界一百一十五里。自界首至衛州七十五里。

戶。

主一十八萬三千七百七十。客五萬一千八百二十九。

土貢。

方紋綾三十匹。方紋紗三十匹。蘆蓆一百領。麻黃一十五斤。酸棗仁一斗。

縣一十七。

建隆元年。改匡城縣爲長垣。四年。升東明鎮爲縣。咸平五年。升通許鎮爲咸平縣。大中祥符二年。改浚儀縣爲祥符。熙寧五年。廢滑州。以白馬、韋城、胙城三縣隸府。又廢鄭州。以管城、新鄭二縣隸府。仍省原武縣爲鎮。入陽武。滎陽、滎澤二縣爲鎮。入管城。元豐四年。復置滑州。白馬、韋城、胙城三縣復隸滑州。八年。復置鄭州。以管城、新鄭二縣。原武、滎陽、滎澤三鎮。復爲縣。並隸鄭州。

赤、開封。

六鄉。赤倉一鎮。有汴河、惠民河、通濟渠、浚溝、逢澤、沙海、蓼隄、吹臺。

赤、祥符。

八鄉。陳橋、郭橋、八角、張二、四鎮。有夷門山、蔡河、濟河、金水河。

畿、尉氏。

京南九十里。八鄉。米曲、宋樓、廬館三鎮。有惠民河、長明溝、三亭、澤陂。

畿、陳留。

京東五十二里。四鄉。北、南、城西、城南、城東、河口、蕭館七鎮。有皇柏山、狼邱、汴河、睢溝。

畿、雍邱。

京東八十七里。七鄉。圍城一鎮。有汴河、圍城。

畿、封邱。

京北六十里。六鄉。潘一鎮。有黑山、白溝河、黃池、封邱臺、期城。

畿、中牟。

京西七十里。五鄉。白沙、圃田、萬勝、三鎮。有汴河、鄭河、圃田澤、中牟臺。

畿、陽武。

京西北九十里。一十鄉。陽武歸一鎮。有黑陽山、黃河、汴河、白溝河。

畿、延津。

京東南九十里。五鄉。草市一鎮。有土山、黃河、金隄、酸棗臺。

畿、長垣。

京東北一百五里。七鄉。有濮水、刃河、蒲城。

畿、東明。

京東九十里。六鄉。故濟陽一鎮。有廣濟河、東明城。

畿、襄邑。

畿、扶溝。京東一百七十里。六鄉。闕化、黎驛、二鎮。有汴河、睢水。

畿、閿陵。京南一百八十里。五鄉。建雄、義聲、二鎮。有祁耶山、洧水、白水。

畿、考城。京東一百六十里。四鄉。馬欄橋一鎮。有洧水、潁水、太邱城。

畿、太康。京東一百八十里。四鄉。有蔡邱、黃溝。

畿、咸平。京東南二別本作三。百三十里。八鄉。高柴、崔別本作崔。橋、青桐、三鎮。有蔡河、渦水。

西京。京東南九十里。四鄉。有牛首城、裴亭。

西京河南府河南郡治河南縣地。

東京三百八十二里。東至本京界二百里。自界首至鄭州六十里。西至本京界一百八十六里。自界

首至陝州一百里。南至本京界八十二里。自界首至汝州七十八里。北至本京界六十五里。自界首至孟州五十五里。東南至本京界一百九十里。自界首至潁昌府一百二十里。西南至本京界三百二十五里。自界首至虢州一百二十五里。東北至本京界六十里。自界首至孟州二十五里。西北至本京界二百三十六里。自界首至絳州二百里。

戶。主七萬八千五百五十客。三萬七千一百二十五。

土貢。

蜜蠟各一百斤。磁器二百事。

縣一十三。

乾德元年省望陵縣入登封。景德四年升永安鎮爲永安縣。慶歷三年以王屋縣隸孟州。復以孟州

汜水縣隸府。省入

縣爲行

又省壽安潁陽

氏

王

縣爲鎮。四年復舊。熙寧三年省

洛陽縣入河南。潁陽縣爲鎮入登封。伊闕縣爲鎮入伊陽。福昌縣爲鎮入壽安。偃師縣爲鎮入緱氏。

以王屋縣隸孟州。八年復置偃師縣。省緱氏縣爲鎮入焉。

赤、河南。

四鄉建春門、彭婆、洛陽、龍門、上東門五鎮。有周山、萬安山。

山、北邙山、委粟山、伊水、洛水、瀍澗水、

金水。

赤永安。

京東八十五里。三鄉。孝義一鎮。有少室山、鳳臺山、闕山、闕河。

畿、偃師。

京東六十里。二鄉。緱氏一鎮。有首陽山、緱氏山、半石山、景山、黃河、曲洛。

畿、鞏。

京東一百一十里。一鄉。有侯山、九山、黃河、洛口。

畿、登封。

京東南一百三十里。二鄉。潁陽、曲河、費莊、三鎮。有嵩山、太室山、箕山、陽城山、潁泉。

畿、密。

京東南二百里。一鄉。大隗一鎮。有方山、大隗山、徑山、洧水、潁水、鄆水。

畿、新安。

京西七十里。二鄉。慈澗、延禧、二鎮。有缺門山、長石山、金水、穀水、陂水。

畿、澠池。

京西一百五十六里。三鄉。土壤一鎮。有天壇山、廣陽山、黃河、澠池水。

畿永寧

京西二百一十里。五鄉。府店一鎮。有二嶧山、熊耳山、嶠嶠山、天柱山、黃河、杜陽水。

畿長水

京西二百四十里。三鄉。上洛一鎮。有壇山、松陽山、洛水、松陽水。

畿壽安

京西南七十六里。八鄉。柳泉、福昌三鄉。三鎮。有錦屏山、鹿蹄山、憩鶴山、女兒山、洛山、昌水、少水。

畿伊陽

京南二百六十里。四鄉。小水、伊闕二鎮。銀一場。有三塗山、鼓鐘山、陸渾山、伊水、洧陽水。

畿河清

京北四十五里。三鄉。長泉一鎮。有青要山、瀟瀟水。

監一

熙寧七年。置鑄銅錢。

阜財

京北四十里

南京

南京應天府。睢陽郡。治宋城縣。